



MFUKO WA UDHAMINI WANAWAKE TANZANIA(WFT TRUST)

WITO WA MAOMBI YA KUTEKELEZA MIRADI KUENDELEZA HAKI ZA WANAWAKE, WASICHANA NA WATOTO TANZANIA KWA MWAKA 2024.

The Registered Trustees of Women Fund Tanzania (WFT Trust) ni Mfuko wa kwanza wa uwezesaji wa kutetea haki za wanawake ulioanzishwa kwa ajili ya wanawake, wasichana, na watoto. Mfuko huu unatazamia kufikia jamii yenye usawa na haki kwa kuondoa visababishi vinavyopelekea mgawanyo usio sawa wa mamlaka, ikiwa ni pamoja na ukosefu wa usawa wa kijinsia, na mifumo mingine kandamizi, mitazamo hasi ya kijamii katika nyanja mbalimbali. WFT Trust inafanya hivi kwa kutoa ruzuku kwa mashirika yanayofanya utetezi wa haki za wanawake, wasichana, na watoto pamoja na mashirika ya kutetea haki za kijamii ili kuweza kukuza sauti na kuleta mabadiliko ya pamoja ili kuwa na mabadiliko endelevu ya kijamii.

Lengo kuu la WFT Trust ni kufadhili mashirika yanayotetea Haki za Wanawake na Tapo la Wanawake, haswa katika ngazi ya jamii kwa sababu tunaamini kuwa wanaelewa uhalisia wao kiundani na wana uwezo wa kupanga, kupaza sauti, uongozi wa kibunifu na vinara wa kubadilisha muktadha unaowanyima fursa katika kutambua nguvu walizonazo na haki zao kama wanadamu.

WFT Trust inaamini na kuwekeza katika TAPO la wanawake wanaotetea ufeminia unaotokana na ushiriki wa majukwaa tofauti, uzoefu, na michakato mbali mbali inayotumia maarifa, ujuzi wa mashirika, vikundi, watu binafsi na wanaharakati wanaofanya kazi ndani ya Tanzania.

Nani anaweza kutuma maombi
WFT Trust inapokea maombi kutoka kwa mashirika ya haki za wanawake, wasichana na watoto, mashirika yanayoongozwa na wanawake, mashirika ya kijamii, vikundi, taasisi za kisheria, taasisi mbalimbali na mashirika yanayoongozwa na wanaume yanayofanya kazi na kuendeleza ajenda ya ufeminia na utetezi wa haki za wanawake yaliyo ndani ya Tanzania. Kwa taarifa zaidi, tafadhali tembelea tovuti yetu: www.wft.or.tz

Maeneo muhimu ya ufadhili katika 2024 ni:

1. Ukatili dhidi ya wanawake, wasichana na watoto - unaolenga kushughulikia rushwa ya ngono, mauaji ya wanawake, unyanyasaji wa kijinsia mtandaoni, ukatili unaohusiana na afya ya akili kwa wanawake, wasichana, watoto pamoja na makundi mengine ya kijamii yaliyo pembezoni na wale walioathiriwa na mila/tamaduni kandamizi. Hii pia inajumuisha haki za kielimu - inayolenga kuondoa viziwi vinavyoyopelekea kuzuia usawa kwa wasichana kushiriki na kupata elimu ikijumuisha masuala ya ubakaji, mimba na ndoa za utotoni, na hivyo kuchangia mipango ya kusaidia msichana kurudi katika mifumo rasmi ya shule.
2. Ushiriki wa Kisiasa na Uongozi wa Wanawake - kushughulikia masuala yaliyopo na ambayo yanazuia wanawake na wasichana kushiriki kikamilifu katika uongozi na michakato ya uchaguzi ikiwa ni pamoja na mifumo yenye changamoto na miundo inayowazuia wanawake na wasichana kuingia katika nafasi za juu za uongozi katika jumuiya zao, mashirika, na maeneo mingine ya umma.
3. Haki ya Uchumi Endelevu - kuvunja viziwi vya kisera na kitamaduni ambavyo vinazuia au kupunguza ushiriki mkamilifu wa wanawake na wasichana katika sekta pana za kiuchumi kama vile mafuta, gesi na shughuli za uchimbaji na hivyo kuwazuia kufaidika nazo. Hii pia inajumuisha ushiriki katika mikakati mipana ya sera inayolenga kukuza sauti ya wanawake na wasichana katika mipango ya bajeti ya kijinsia, huduma za ujumuishaji wa kifedha, kuunga mkono juhudi za wanawake kupitia elimu ya Wanawake na Pesa, na zingine.
4. Haki ya Mazingira - kushughulikia sera, sheria, na changamoto za kitamaduni zinazowakabili wanawake na wasichana wanaopaza sauti zao ikiwa ni pamoja na athari mbaya za uharibifu wa mazingira kwa kuzingatia mabadiliko ya hali ya hewa na haki ya ardhi kwa wanawake, wasichana na makundi mingine yaliyo pembezoni.
5. Utafiti na Uthibitaji wa Taarifa za Kifeminia - Kutumia mrengo wa ufeminia kuimarisha utafiti wa ufeminia kwenye maeneo mbalimbali kama vile usalama wa wanawake wanaofanya kazi kutatua migogoro na kushiriki kwenye michakato ya kuleta amani, kuweka kumbukumbu za wanawake kwa kutumia fasihi, picha na video zinazohoji masuala ya ukosefu wa usawa wa kijinsia pamoja na mifumo kandamizi. Waombaji pia wanaweza kuzingatia mada tofauti kama vile kuonyesha michango ya wanawake na wasichana kupitia ke-storia kuendesha mijadala, matumizi ya ubunifu ya majukwaa na vyombo mbalimbali na programu za radio za jamii. (Waombaji wanaweza kuzingatia mada ndogo kama vile kuboresha mwonekano na kutangaza

michango ya wanawake na wasichana kupitia Herstories, kubadilisha mijadala kupitia matumizi ya ubunifu ya majukwaa na zana za media titika, uhuishaji na programu za radio za jamii).

6. **Michezo, sanaa na tamaduni** - Kuendesha shughuli zinazolenga kupinga vitendo vya kutengwa kwa misingi ya kijinsia na unyonyaji, upendeleo ikiwa ni pamoja na lugha ya kudhalilisha kwa ajili ya kubadilisha sera, sheria, kanuni za kijamii katika michezo, sanaa, utamaduni na nyingine zinazohusiana na hizo ambazo zinapelekea udhalilishaji na kuondoa utu na staha ya mwanamke na msichana katika jamii.
7. Masuala ya Haki ya Afya ya Uzazi - Maombi yako wazi kwa ajili ya kutekeleza shughuli zinazolenga kukuza uelewa wa haki pamoja na masuala mtambuka ya afya ya uzazi kwa wanawake na hatua za kusaidia harakati za utetezi unaojikita katika kushughulikia masuala yanayowanyima wanawake na wasichana kufanya maamuzi ya msingi na yanazozingatia ufeminia na kushughulikia haki ya uzazi kwa ajili ya ujenzi wa harakati za kijamii zinazoboresha uwezo wa wahusika wakuu kutetea na kurahisisha upatikanaji wa taarifa muhimu za haki ya afya ya Uzazi, ikiwa ni pamoja na huduma, kufanya maamuzi sahihi, ushiriki na kuwawezesha kutekeleza mikakati ya kuimarisha upatikanaji wa haki za afya ya uzazi kwa makundi yaliyo pembezoni ikiwa ni pamoja na walemavu na makundi mengine.
8. Kujenga vuguvugu la kiharakati la kuleta pamoja wanawake na wasichana kimkakati na kuimarisha TAPO la wanawake Tanzania - Kutekeleza shughuli mbalimbali za kukuza njia za makutano katika kuharakisha mabadiliko ya ndani ya harakati za wanawake na harakati zingine za kijamii pamoja na zile zinazofanya kazi kuendeleza haki za walemavu, haki za watoto, haki za afya ya uzazi, haki za wahamiaji na haki za mazingira kwa hatua za pamoja na utekelezaji wa pamoja. Kuimarisha harakati za kubadilisha mifumo, sera, na mitezamo ya kijinsia katika tamaduni, kanuni za kijamii, na pia katika mifumo ya sera na sheria katika viwango tofauti. Madirisha kwa Ajili ya Maombi ya Ufadhili:

1. DIRISHA NDOGO

Dirisha hili ni kwa ajili ya asasi na mashirika ya kijamii ya kutetea haki za wanawake, wasichana na watoto, na vikundi vya wanaharakati vilivyosajiliwa walio katika maeneo ya vijijini na mijini. Dirisha hili linafunguliwa pia kwa vikundi vya jamii yanayoanza, na yenye nia ya kujenga uwezo wao wa kiuendesaji na wa kukuza uhamasishaji unaopelekea kukuza haki za wanawake, wasichana, na watoto katika jamii zao

- Muda wa utekelezaji ni kati ya miezi 0 na 3
- Shughuli zinazolenga kutoa sauti kwa masuala ya wanawake na wasichana, hasa wanawake waliotengwa, makundi maalum na watu wanaoishi katika mazingira magumu katika jumuiya za mitaa.
- Dirisha hili linalenga hasa kwa waombaji wa mara ya kwanza wanaotoka katika ngazi ya kijamii

2. DIRISHA LA KIWANGO CHA KATI

Miradi iliyo chini ya Dirisha hili inapaswa kuzingatia mipango ya kusaidia mashirika ya haki za wanawake, wasichana na watoto ili kujenga/kuimarisha uwezo husika wa kidhana na shirika, na utaalumu wa kuunganisha na kubadilishana maarifa na harakati za wanawake na wasichana.

- Muda wa utekelezaji unapaswa kuwa kati ya miezi 6 na mwaka 1
- Lazima ilenge kutoa sauti kwa wanawake, wasichana, na watoto waliopembeza kuhusu masuala yaliyotengwa kama ilivyoainishwa katika wito wa pendekezo.
- Dirisha liko wazi kwa shughuli zinazolenga wanawake na wasichana katika ngazi za mitaa na kitaifa, ambayo inahitaji fedha kwa ajili ya kuimarisha shirika ikiwa ni pamoja na mabadiliko au inajengea kwenye ya ruzuku ya awali ili kuimarisha ushirikiano wa kimkakati na mitandao katika harakati za wanawake katika ngazi tofauti.

3. DIRISHA LA MIKAKATI

Dirisha la Kimkakati linakusudiwa kufadhili miradi ya muda mrefu (hadi miaka 2) kwa shughuli zinazolenga juhudi za utetezi wa haki za wanawake/jukwaa/ujenzi wa Mtandao. Dirisha hilo pia linaweza kutumika kusaidia Asasi na Taasisi ambazo zinakua na ambazo zinahitaji usaidizi wa ufadhili ili kujenga uwezo wa kitaasisi na shirika

hasa wapokeaji wa dirisha la kati wanaohitimu na kufanya kazi katika ngazi ya Kitaifa (Mashirika ya Kitaifa ya Haki za Wanawake, Mashirika ya Wanawake yenye uwezo wa kujenga harakati za Pamoja) Ruzuku katika dirisha hili pia inaweza kusaidia kazi ya harakati mbalimbali za wanawake, wasichana na watoto. Mashirika ya Haki za Kifeminia yaliyo na uwezo husika wa kitaasisi na utaalumu ikiwa ni pamoja na kuendesha mitandao na ujuzi wa kufanya kazi na washirika wengine (wa kijamii na kitaifa) ili kuimarisha mikakati ya kujenga harakati za pamoja za wanawake katika sekta zote zinahimizwa kutuma. Kwenye dirisha hili, tunapokea mapendekezo ya miradi ambayo yanalenga kuanzishwa au kuongeza kasi ya hatua ambazo zinakuza vitendo vya pamoja vya utetezi, majukwaa jumishi, Mitandao ya kukuza ujuzi wa uandishi, mitandao na kujifunza katika sekta mbali mbali za wanawake, wasichana na watoto nchini.

TUNATAFUTA NINI?

Waombaji wanapaswa kujitahidi kulinganisha katika mapendekezo yao kanuni muhimu za muongozi zilizoainishwa hapa chini:

- I. **KUOANA KWA MALENGO YA MRADI NA MAHITAJI MAUU YA KIJINSIA KATIKA JAMII**
 - Andiko ambalo linaonyesha jinsi malengo yatakavyokidhi matamanio ya wadau katika kuchangia juhudi za kuleta usawa wa kijinsia na ukombozi wa fikra katika maeneo yaliyoainishwa kutekelezwa na mradi
- II. **UWEZO WA MTANDAO, SHIRIKA/KIKUNDI & UFAHAMU WA TATIZO LA MSINGI LA KUTATULIWA NA MRADI**
 - Andiko la mradi linapaswa kuhakikisha uhusiano thabiti kati ya tatizo la kushughulikiwa na mikakati na matokeo yanayoweza kupimika yanayotarajiwa kupatikana kutokana na mradi
 - Andiko la mradi linapaswa kuakisi ushiriki wa washikadau mbalimbali (ndani ya mtandao wa wanawake na katika mitandao mingine) katika utekelezaji wa kuunda/kuimarisha mitandao ya utendaji kazi, mitandao na majukwaa (hasa kwa madirisha 2&3)
 - Andiko la mradi linapaswa kutumia miundo inayoonyesha uendelevu, uvumbuzi, ubunifu.
 - Maandiko hayo ya mradi yanapaswa kujumuisha shughuli zitakapopangwa kufanyika katika siku za maadhimisho ya kikanda na kimataifa kama vile Siku ya Kimataifa ya Mtoto wa Afrika, Siku ya Kimataifa ya Wanawake wa Vijijini na Siku 16 za Uanaharakati. Mahitaji mahususi:

Maombi ya Ruzuku hizi yatafuata utaratibu huu:

1. Tembelea tovuti ya WFT Trust (www.wft.or.tz) ili kupakua fomu ya pendekezo
2. Jaza fomu ya pendekezo (isizidi kurasa 12) inayoelezea wazo au mpango uliopendekezwa.
3. Wakati wa uwasilishaji wa andiko la mradi tafadhali ambatanisha nakala za vitu vifuatavyo
 - Cheti cha usajili cha shirika/taasisi
 - Katiba ya shirika/taasisi
 - Nakala ya cheti cha TIN (Kama ipo)
 Kisha utume kupitia barua pepe kwa grants@wfttrust.or.tz AU,
4. Jaza maombi kisha uwasilishe ofisini au yatume kwa anuani ifuatayo:

Mkurugenzi Mtendaji
Women Fund Tanzania Trust
S.L.P. 79235, Dar es Salaam.

Kwa maelezo zaidi, tafadhali piga simu: **+255 753 912 130**

Tafadhali kumbuka:

Hakuna ofa, malipo, zawadi, uzingatiaji au manufaa ya aina yoyote, ambayo yanajumuisha au yanaweza kufasilikiwa kuwa ni kitendo haramu au ulaghai, yatatolewa, moja kwa moja au isiyo ya moja kwa moja, kama kichocheo au zawadi kwa ajili ya mafanikio ya ombi.

Tarehe ya mwisho ya kuwasilisha maombi itakuwa Ijumaa, Machi 1, 2024 saa kumi alasiri.

Waombaji wote waliofanikiwa na wasiofanikiwa katika maombi yao watajulishwa ifikapo tarehe 31 Juni 2024